



Pou Piblikasyon Imedya: 22/10/2022

GOUVÈNÈ KATHY HOCHUL

**GOUVÈNÈ HOCHUL AK MAJISTRA ADAMS ANONSE AKSYON MAJISTRA A POU
KENBE METWO YO AN SEKIRITE EPI REZOUD KRIM NAN TRANSPÒ PIBLIK,
NAN APIYE SOU KOLABORASYON AKTYÈL ETA AK VIL LA**

*NYPD ak lapolis MTA pral ogmante prezans lapolis sou platfòm ak tren yo nan
anviwon 1,200 orè siplemantè chak jou - ofisyé yo pral prezan nan plis pase 300
estasyon pandan lè pik yo*

*Nouvo inite ki devwe nan sant sikuatrik yo pral ede popilasyon ki nan lari san
lojman nan metwo a ki gen maladi mantal grav*

*Nouvo fòmasyon pou lapolis MTA, NYPD, EMS/EMT sou pi bon pratik pou angaje
popilasyon ki san lojman, otorite pou transpòte moun ki bezwen evalyasyon
sikuatrik*

Gouvènè New York, Kathy Hochul, ak Majistra Vil New York Eric Adams te anonse jodi a inisyativ elaji pou kenbe metwo Vil New York yo san danje epi lite kont krim nan transpò publik. Inisyativ yo gen ladan yon envestisman enpòtan nan fon ijans publik Eta a ak yon angajman pou travay avèk vil la sou yon sous revni devwe pou sipòte prezans adisyonèl lapolis nan sistèm metwo a. NYPD ak MTA pral ogmante prezans ofisyé yo sou platfòm yo nan apeprè 1,200 ekip ofisyé adisyonèl pou lè siplemantè chak jou nan metwo a — ki egal a apeprè 10,000 èdtan adisyonèl patwouy kòm lè siplemantè chak jou — ansanm ak de nouvo inite devwe nan sant sikuatrik pou ede bay moun ki gen pwoblèm mantal grav yo asistans yo bezwen.

"Priyorite prensipal mwen antanke Gouvènè se kenbe Nouyòkè yo an sekirite nan lari yo, nan kay yo, nan lekòl yo, ak nan tren an, epi nou pral fè tout sa ki nesesè pou rann metwo nou yo vin pi an sekirite pou pasaje yo", **Gouvènè Hochul te deklare.** "Estrateji sekirite nan metwo elaji nou an pou polisye, kamera, ak swen pral reprime krim nan metwo, ede moun ki nan sitiayson sanzabri jwenn sipò yo bezwen pou yo soti nan sistèm nan, epi soulaje enkyetid pasaje yo pou asire Nouyòkè yo santi yo pi an sekirite atravè sistèm metwo a. Apati kolaborasyon kontinyèl nou avèk Vil la, nou pral kontinye travay men nan men avèk Majistra a ak NYPD pou bay pwoteksyon ak sekirite Nouyòkè yo merite".

Majistra Vil New York, Eric Adams, te deklare, "Efò sa a pral ede avèk de bagay Nouyòkè yo vle dezespereman: Adisyon plizyè santèn ofisyè ki deplwaye yon fason estratejik nan metwo nou yo epi ede moun ki soufri mantal grav pou yo ka jwenn yon fason pou jwenn yon sòti nan sistèm metwo an. Nou dwe adrese pèsepsyon ak reyalite sekirite, epi patenarya elaji nou anonse jodi a avèk Gouvènè Hochul pral fè egzakteman sa, pandan I ap apiye sou siksè Plan Sekirite Metwo nou an. Esansyèl la sè ke pasaje yo pral wè plis ofisyè nan sistèm nan, menm jan ak moun k ap panse vyole lalwa. Nan non tout Nouyòkè yo, nou rekonesan pou envestisman eta a ki pral rann metwo nou yo vin pi an sekirite".

Depatman Lapolis Otorite Transpò Metropoliten (Metropolitan Transportation Authority, MTA) ak Depatman Lapolis Vil New York (New York City Police Department, NYPD) pral espesyalman travay ansanm pou deplwaye plis ofisyè nan sistèm nan epi ogmante prezans yo sou platfòm yo ak metwo yo, sou baz pwogrè yo te fè pandan uit dènye mwa yo depi Majistra Adams te pibliye [Plan Sekirite Metwo](#) a.

Lapolis MTA pral deplwaye nan sistèm metwo a nan kat gwo sant fewovyè banlye a — Penn Station, Grand Central Station, Atlantic Terminal, ak Sutphin-Archer (Jamaica) Station. Aksyon sa a pral debouche sou libere apeprè 100 ofisyè NYPD pou deplwaman nan lòt lokal transpò priyoriè nan metwo ak nan estasyon — sa ki pèmèt pasaje yo ak moun k ap eseye komèt krim yo wè yon prezans konstan ofisyè yo nan sistèm transpò piblik la.

Anplis de sa, MTA a pral kontinye enstale kamera nan chak inite nan metwo pou amelyore pwoteksyon sekirite ak ogmante konfyans pasaje yo, epitou pou kondiktè tren yo anonse pasaje yo lè y ap antre nan yon estasyon ki gen ofisyè lapolis prezan.

Pou kontinye ede popilasyon ki pa loje ki abrite nan sistèm metwo a ak moun ki soufri maladi mantal grav, epitou pou konstwi sou pwogrè depi Gouvènè Hochul te deplwaye ekip Sipò Opsyon Sekirite (Safe Options Support, SOS) pou entèvansyon nan sitiyasyon kriz, Gouvènè Hochul te dirije Biwo Sante Mantal (Office of Mental Health, OMH) Eta New York la pou kreye de nouvo inite dedye ki gen 25 kabann, pou yon total 50 kabann pou pasyan ki entène.

Anplis de sa, OMH pral elaji fòmasyon sou entèvansyon nan kriz pou Lapolis MTA, NYPD, ak EMS/EMT, pou anseye yo meyè pratik pou angaje moun ki sanzabri yo epi asire yo totalman enfòme sou otorite legal pou transpò moun ki bezwen yon evalyasyon sikiyatrik. Inisyativ elaji sa yo batí sou kolaborasyon kontinyèl ant Eta a ak Vil la sou sekirite nan metwo ak sansibilizasyon popilasyon ki nan sitiyasyon sanzabri. Gouvènè Hochul ak Majistra Adams te pwomèt tou pou yo eksplorè ranfòsman ak amelyore lwa ki bay asistans pou moun ki soufri mantal grav.

Prezidan ak Direktè Egzekitif Jeneral MTA, Janno Lieber, te deklare, "Anons jodi a posib akòz patenarya ant Vil ak Eta a pou asire sekirite sistèm metwo nou an. Transpò pasaje nan metwo a te ogmante depi Jounen Travay la, epi nou rete konsantre sou ogmante konfyans pasaje yo gras a deplwaman ofisyè ki gen inifòm, kamera ki enstale

nan chak inite nan metwo, ak plis pwogrè sou zafè kalite lavi. MTA rekonesan anvè Gouvènè Hochul ak Majistra Adams pou lidèchip yo ak angajman yo genyen anvè metwo yo".

Komisè Depatman Polis Vil New York, Keechant L. Sewell, te deklare, "NYPD ak MTA se patnè fyè nan travay k ap kontinye pou kenbe an sekirite tout moun ki sèvi ak tren ak estasyon metwo nou an. Gras ak kolaborasyon transparan, omniprezans lapolis, ak komunikasyon pwoaktif ak publik la, nou pral apwofondi kapasite nou pou asire yon sistèm transpò ki pi an sekirite — ak yon vil ki pi an sekirite".

Doktè Ann Sullivan, ki se Komisè Biwo Sante Mantal la, te deklare, "Avèk rezolisyon Gouvènè Hochul pou ede moun ki pi vilnerab nan New York k ap viv ak maladi mantal, OMH ap lanse de inisyativ enpòtan pou ede Nouyòkè ki nan sitiyasyon sanzabri.

Tranzisyon nan Inite Lojman pou Pasyan ki Entène yo pral bay moun yo swen ki oryante sou rekiperasyon, ki santre sou moun nan objektif pou yo genyen yon lavi anrichi nan kominote a. Anplis de sa, yon nouvo *Pwogram Transizyon Rezidansyèl Kominotè* pral disponib pou moun ki bezwen plis estrikti ak sipò pou reyentegre nan kominote a. Li pral gen ladan lojman semi-endepandan, akoutèm avèk sèvis rekiperasyon entansif ki fèt pou anseye konpetans lavi ki nesesè pou viv avèk siksè nan yon anviwònman ki pi endepandan. Nouvo pwogram sa yo pral benefisyè Ekip Sipò Opsyon Sekirite yo ki deja angaje aktivman moun ki san kay k ap viv ak maladi mantal".

Plis Prezans Ofisyè Lapolis MTA ak NYPD

Depatman Lapolis MTA ak NYPD pral travay ansam pou deplwaye plis ofisyè estratejik epi ogmante prezans yo sou platfòm ak tren yo, avèk Lapolis MTA ki pran responsabilite prensipal pou kontwole estasyon metwo yo ki adjasan epi ki konekte ak kat gwo sant fewovyè banlye yo nan deplwaye peloton ofisyè yo — bay yon prezans konstan 24 sou 24, 7 jou sou 7 — konsa ap pèmèt NYPD ogmante kouvèti asirans nan estasyon adisyonèl atravè sistèm metwo a. Kouvèti Depatman Lapolis MTA a avèk 60 ofisyè pa jou ekivalan a 90 ofisyè NYPD adisyonèl dapre diferans ki genyen nan longè orè travay ant depatman yo.

Avèk prezans adisyonèl NYPD sa a ak sipò adisyonèl la, NYPD pral ogmante radikalman prezans lapolis nan sistèm transpò publik la nan apeprè 1,200 orè siplémentè chak jou, oswa apeprè 10,000 èdtan siplémentè. Nouyòkè yo pral wè ofisyè yo kouvari platfòm nan vwayaj pwolonje nan omwen 300 estasyon pandan lè pik yo. Ogmantasyon ofisyè sa yo pral pèmèt tou ofisyè Transpò devwe yo monte plizyè santèn tren adisyonèl pa jou pandan lè pik yo. Pral gen tou yon ogmantasyon konsiderab ofisyè yo nan tounikè yo ki pral fè respekte lalwa ak dekouraje evazyon nan pri tikè yo. Ansanm, omniprezans ofisyè yo nan metwo yo pral ede ogmante sekirite publik ak dekouraje moun yo konsidere krim.

MTA pral mete gad sekirite (Gadyen Pòtay) tou nan sèten estasyon tren pou ogmante prezans sekirite, pou fonksyone kòm "je ak zòrèy" pou otorite lapolis, epi dekouraje evazyon nan pri tikè yo.

Nouvo Tranzisyon OMH nan Inite Lojman

Gouvènè Hochul te mande OMH pou l lanse de novo Inite Tranzisyon nan Lojman (Transition to Home Units, THU), yon novo pwogram tretman pou pasyan ki nan lari ak nan metwo ki sanzabri epi ki gen maladi mantal grav ak yon move estati kominotè ki t ap benefisyé rekiperasyon oryante, swen sантre sou moun nan sant ekselans OMH pou swen psikofamakolojik.

Nouvo pwogram sa a pral gen ladan de novo inite pou pasyan entène ki gen 25 kabann, kote premye inite a pral lanse nan Sant Sickyatrik Manhattan (Manhattan Psychiatric Center, MPC) jiska 1 novanm. OMH ap evalye kapasite nan lopital sickyatrik nan sid eta a epi li pral ouvri yon dezyèm inite nan kòmansman ane pwochèn. Tou de inite yo pral sèvi moun ki gen 18 ane oswa plis ki gen maladi mantal grav ki nan sitiyasyon sanzabri, epi MPC pral fè patenarya avèk lopital ki refere yo pou bay pasyan ki bezwen estabilize medikalman. THU yo pral aksepte referans apati yon kantite limite Lopital Vil New York ak Pwogram Konplè Ijans Sickyatrik (Comprehensive Psychiatric Emergency Programs, CPEP) yo a epi ogmante kantite etablisman referans yo.

THU yo pral gen yon ekip miltidisiplinè doktè, enfimyè, travayè sosyal, terapet okipasyonèl, ak lòt pèsonèl klinik ak pèsonèl ki pa klinik epi bay tretman ki konsantre sou rekiperasyon. Modèl pwogramasyon pou THU yo pral gen ladan yon konsantrasyon entansif sou konpetans jesyon lavi ki pral ede fasilité egzeyat nan kominote a, ede moun akeri konpetans fonksyonèl, epi travay avèk ajans ki andedan ak andeyò OMH pou amelyore angajman nan swen sante mantal.

Tranzisyon pwosesis planifikasyon swen pou pasyan THU yo pou retounen nan kominote a pral genyen yon evalyasyon endivididyèl sou sèvis ki nesesè pou ankouraje estabilite nan kominote a. Yon seri sèvis pral disponib pou sipòte integrasyon kominotè ki gen sikse.

Kòm yon pati nan novo inisyativ sa a, OMH pral devlope yon Pwogram Tranzisyon Rezidansyèl Kominotè pou bay yon espas tranzisyon pou moun k ap egzeyate dirèkteman nan THU yo. Pwogram rezidansyèl akoutèm sa a pral gen ladan 15 inite atravè kat lokal pou yon total 60 kabann tranzisyon epi bay moun k ap resevwa sèvis yo opòtinite pou yo akeri konpetans ki nesesè pou yo deplase nan yon anviwònman lojman ki pi endepandan. Moun yo pral jwenn sipò tou pou yo jwenn benefis pou asire sikse alontèm.

Moun ki nan pwogram tranzisyon an pral konekte ak ekip Sipò pou Opsyon Sekirite, Tretman Kominotè Entansif, ak Tretman Entansif Mobil pou sipòte tranzisyon yo tounen nan kominote a ak nan lojman sipò pèmanan nan 120 jou oswa mwens.

Fòmasyon Amelyore pou Lapolis ak Premye Entèvenan yo

OMH ofri fòmasyon pou lapolis ak premye entèvenan yo nan fòmasyon sou konpetans fondamantal pou entèvansyon nan kriz pou lapolis. Eta a pral elaji fòmasyon sa a pou enfòme Lapolis MTA, NYPD, ak EMS/EMT sou otorite legal pou transpòte moun ki

bezwen yon evalyasyon sikyatrik nan lopital ak CPEP yo. Fòmasyon sa a pral enkòpore tou meyè pratik pou angaje popilasyon lari a ki gen maladi mantal.

Anons Kondiktè sou Prezans Lapolis

Anons yo abò metwo a se yon lòt zouti MTA ak NYPD ap itilize pou dekouraje krim ak ede kliyan ki bezwen lapolis. Pou ogmante sansibilizasyon piblik la sou disponiblite lapolis - lè yo preznan estasyon yo ak sou platfòm yo - ofisyè yo pral kontakte kondiktè tren yo pou anonse prezans yo.

Enstalasyon Kamera nan Metwo

Kamera yo ki nan sistèm MTA a te pwouve anpil valè nan idantifye moun ki komèt krim yo epi mennen yo lajistis. Pou rezon sa a, jan Gouvènè Hochul te anonse dènyèman, MTA ap elaji kouvèti kamera nan andedan plis pase 6,500 inite nan metwo, ki pral enkli enstalasyon kamera nan inite nan metwo yo nan yon pouvantaj 750 kamera pa mwa, apre pwosesis acha a fini, jiskaske tout flòt inite metwo yo ekipe avèk kamera nan fen 2024. Anvan sa, 100 kamera ki disponib kounye a pral enstale nan jou k ap vini yo atravè inite yo nan metwo. MTA ak NYPD kontinye travay men nan men pou asire aksè imedyat a kamera nan sistèm metwo a.

Ekip Sipò pou Opsyon Sekirite

Nan kòmansman ane sa a, Gouvènè Hochul ak Majistra Adams te anonse ke OMH t ap lanse Ekip Sipò pou Opsyon Sekirite (SOS) epi deplwaye yo nan Vil New York. Ekip SOS yo gen ladan pwofesyonèl sante mantal ki resevwa fòmasyon ki kowòdone avèk ekip sansibilizasyon yo nan Vil New York pou angaje ak ede moun k ap soufri sitiayson sanzabri kwonik nan lari. Ekip yo konekte moun yo ak sèvis sipò enpòtan yo epi ede yo jwenn plasman nan pwogram lojman ijans oswa sipò yo. Depi kòmansman travay nan mwa avril, ekip yo te enskri 410 moun nan sèvis sa yo.

####

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418